



JUDICIAL SYSTEM MONITORING PROGRAMME

PROGRAMA MONITORIZASAUN BA SISTEMA JUDISIÁRIU

Komunikado Imprensa
Parlamentu Nasional
29 Outubru 2014

JSMP kongratula Provedór Direitus Umanu no Justisa eleitu

Iha 27 fulan Outubru 2014, Parlamentu Nasional, liu hosi Sesaun Plenáriu, halo votasaun ba Provedor Direitu Umanu no Justisa (PDHJ) foun. Kandidatu sira ba pozisaun ne'e mak Sr. Dr. **Silvéiro Pinto Baptista no Sr. Francisco Maria de Vasconcelos**.

Iha rezultadu eleisaun hatudu katak Sr. Silvéiro Pinto Baptista mak eleitu ba kargu Provedór ho votu afavor 37, kontra: 23 abstein 0, husi total deputadu na'in 60 no halakon kandidatu Sr. Francisco Maria de Vasconcelos ne'ebé hetan de'it votu 23.

“JSMP aproveita oportunidade ne'e hakarak kongratula Provedór foun ne'ebé hetan konfiansa husi Parlamentu atu lidera instituisaun PDHJ durante tinan 4 oin mai tuir mandatu ne'ebé Konstituisaun no Lei hatur”, dehan Diretór Ezekutivu JSMP, Luis de Oliveira Sampaio.

JSMP espera katak ho Provedór foun ne'ebé iha esperiênsia tinan barak iha instituisaun refere bele haforsa no konsolida mentin liutan servisu instituisaun PDHJ nian atu garantia justisa, direitu umanu no boa governuasaun tuir mandatu servisu PDHJ nian.

JSMP mós hein katak, Provedór eleitu ne'e sei nakloke an atu rona no konsidera hanoin hosi sosiedade sivíl relasiona ho kestaun direitu umanu sira ne'ebé sei pendente. JSMP enkoraza Provedór eleitu atu utiliza kompetênsia sira ne'ebé kontituisaun fo hodi salvaguarda interese públiku, no defende ita nia Lei Inan no ita nia estadu direitu demokrátiku.

Tuir informasaun husi meja plenária informa katak iha tempu badak Parlamentu Nasionál sei prepara agenda plenária extra-ordinária hodi fó tomada de pose ba Provedór eleitu ho nia Adjuntu sira.

Atu hetan informasaun kle'an favor kontaktu:

Luis de Oliveira Sampaio

Diretór ezekutivu JSMP

E-mail: luis@jsmp.minihub.org

info@jsmp.minihub.org

Telefone: 3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl